

張氏惠成堂重修

平陽仁事齋藏梓

張氏惠成堂重修

入閩序

我楊氏入閩之祖始于贈侍郎諱安公性行端莊率遵詩禮
古良士也其故家蓋在河南汝寧府別號宏農固始縣傳
慶鄉海下里云當時安公有二子妣趙氏長子諱逸次子
諱肅逸公生子一諱明珠號遙玉幼慧敏而長剛方篤志
經史舉進士於唐禧宗之辛丑科官歷彤科給事超陞吏
部左侍郎時家行密僭稱王號據吳國公懼禍及身固欲
避之適會上召求兵入閩緣是父子祖孫舉家南行公仍
帶把總官軍七人全王審知及諸仕宦等率軍民一時全
遷徙此公入閩之所自始也當時入閩暫寓仙遊趙德山

麓未幾而安公卒卜塋山麓之鳳形遂以入泉逸公性好
音樂喜琴書歿其身於泉肅公爰計令模分任南安蛟尾
嘗登高遊玩得授仙人之秘颺然不與凡間同審知慕其
神化請爲妻醫其乳痛公用金針一度厥疾立瘳知曰神
之妙其如斯乎勸之仕不應於是宣封公爲太乙真人賜
以袞袍令畱從效發軍開洫以溉其田使世世享無疆之
福實乃公之厚德所召也而明珠公以文學之身不欲雜
處紛擾遂移清溪頭巾石住公至此而心愈堅貞不以山
林而弛經濟之念况在荒祖與苗裔尤轉增其懷戀公之
忠孝仁慈已足流芳于後矣生子二長進居次進廉二公

志克承祖志窮經博史畧年入泮

忠孝仁慈已足流芳于後矣生于二長進居以進康二五
入三洋開創統緒生子尅克承祖志窮經博史髫年入泮
而基業從此肇矣

有宋紹興二年庠生 貴生 未完

右序舊譜闕錄 芳得之先伯 未完

其入閩來歷增入舊譜 未完

始祖仙翁傳

泉郡舊誌中有仙翁楊氏肅公者余鼻祖也翁爲五季時人從華陰徙居吾邑之自家村是爲今朴鄉嘗觀棋石室歸而以禁方愈王后乳疾得賜爵與金帛辭問所欲爲翁曰民所居蓄畝恒苦旱願徼縣官力爲鑿渠漑沃詔俞之發士卒爲竣其役而連陌數千頃稱膏腴焉樸鄉之地至今題之曰太乙真人其辭榮不就爲民請利造福一方澤施後人豈白日飛昇無益於世者所可等倫哉邁拜遺像於祠宇質先德於口碑信夫翁之骨爲不朽形爲長存仙籙中別一仙也蓋於維藝弟之贊翁語有取云

峇

萬歷三十年壬寅春

三月

裔孫維邁百拜

書

仙翁墓記

仙翁墓記

第一世始祖仙翁諱肅從華陰陟居吾邑自家洋卽今三十
九都朴兜村事蹟詳見家世寔錄卒某年四月初七日塋三
十八都古田山去樸鄉五里許枕癸趾丁墳之月眉石下鐫
端平二年乙未二月甲申日立其山石有仙人跡棋盤石及
簫板之形水尾現有祭田五坵方潭一口妣氏卒某年三

月日塋高田山資壽寺院塘之傍負乾揖巽其鄉孫子

歷歲冬至祭掃焉翁廟自家洋中地號溝尾萬厯戊子十一

月鼎新紹定三年十一世孫居謝庄諱巖得者誌嗣父伯壽

公稱五代時十世祖仙翁蓋自伯壽上遡至翁爲十世也大

人實齋庚戌譜序仙翁至熊飛爲十世一時錯筆古者三十年爲一世五代至元符一百五十年世數相合翁傳曾元五世居朴鄉六世熊飛偕子然從甥館于謝庄維藝按大人宗支圖以熊飛爲社庄第一世祖而不及翁以仙翁而下二世至五世祖諱無徵故也萬歷辛丑重續是篇追叙翁爲熊飛所由始之祖云

廟懸金字宣封太乙真人楊氏之匾

其兩楹前人有聯云 此聯或云 朱晦翁先生贈

仙子友英賢一局曾消千日瞬

天王旌國手三軍爲濬萬年川

萬歷辛丑陽月之吉

裔孫維藝百拜書

并楊君禹習重修族譜序

萬曆辛丑陽月之吉

裔孫維聖百拜書

弁楊君禹習重修族譜序

明賜進士出身中順大夫雲南楚雄府知府前戶部山

西司郎中傅履階撰

余友禹培君暨二仲禹聘禹習肄業寒家精舍者累年禹培則言其叔父實齋君禹習君廼翁也葺家乘紀九世祖德馨墓寔余祖宋進士定保公誌之德馨高祖伯淳諱景陸登開禧乙丑進士官建寧司法叅軍呂侍郎大圭銘焉名列泉儒林傳誌傳今尚書麟泉王公撰也禹培近捐館二仲謝青衿余亦懸車林壑矣茲春禹習君重修廼翁舊譜丐余一言以弁余遡楊之先華陰人漢太尉震之後五

代時仙翁肅陟居吾南邑自家洋啖桃奇遇紀在清源志
元符間五傳至熊飛贅謝庄因偕子然居焉越三世爲景
陸登進士第第伯成領鄉薦四傳德馨者生三子曰澤曰
俊曰與澤俊居謝庄而澤子進贅葛洲與則分派蓮塘今
謝庄自鏢卿葛洲自繼偉上之熊飛爲十七世蓮塘五傳
庠生碩德公猷有子九人再傳茂林輩上之熊飛爲十八
世寶齋君於碩德第九子也其狀碩德公及伯壽德馨墓
誌上遡水木下迨枝派合謝庄葛洲譜焉名曰楊氏族譜
蓋能明先德所由起而不但取於文獻之足徵也庚戌後
子姓漸繁鏢卿繼偉茂林而下又兩世謝庄葛洲世几十
有九而蓮塘則爲世二十矣禹習捧手澤志前修於萬歷

子姓漸繁鏢卿繼偉茂林而下又兩世謝庄葛洲世凡十

有九而蓮塘則爲世二十矣禹習捧手澤志前修於萬歷
辛丑之歲請諸謝庄祖叔洪雅洪明而與族弟君夔肩其
事殫精竭慮諸若紀若圖若誌若傳若附錄靡不具載云
傅子曰余覽朴鄉濬鑿遺跡儒林詩書遠澤走馬高溪數
百年來券書則徵箕裘之世紹瑞魁一十二代嘉客則知
累世之姻睦他如所載二母洽懽九子敦叙三世守孤之
節二陳樛木之惠伯仲賓禮後嗣文學與夫鵲鵲赴難之
烈騷人逸叟之趣更僕未易數也夫莫爲之前則美不彰
莫爲之後則盛不傳實齋君譜其宗美彰之矣禹習此日
家乘續修蓋庶幾乎與能門子繼父談之志並傳也故余

於禹習見繼述之孝焉君彝見贊襄之義焉洪雅洪明見
宗盟之思焉一譜而衆美萃矣余祖 德馨墓曰後人勿
替引之余不佞弁斯譜也亦云禹培諱維蕃禹聘諱維邁
禹習諱維藝君彝諱繼倫裒名簡端昭茲來祀洪雅諱柏
洪明諱桐則樂觀斯譜之成也者

皆

萬歷三十年歲次壬寅

楊氏家世實錄

吾族先世譜記值神州陸沉之變燼於回祿之災我

明 正統甲子高祖銘修而復失成化丁未父繼而成之乃

祖仙翁而宋與正德間復修萬桂公之墳於瑞魁山又名
寺家山卽今之自家內蓋因祖居自家洋以此名山也得
壙中石誌更屬姚君德馨續編前譜乃祖熊飛而宗伯淳
於宗支世系猶未悉也於謝庄葛州族屬猶未叙及也今
得伯淳從兄伯壽壙誌於萬桂公祖墳之傍二銘交相援
引明證可稽備知樸鄉十世祖號仙翁諱肅漢太尉震之
裔自五代時陟居泉之南安自家洋卽今之朴兜鄉也仙

翁事見清源誌世傳仙翁樵于山中見二仙對棋因立觀焉久而不還仙人與之桃翁食而餘其半仙人曰長者與爾桃何不盡食翁曰欲歸以遺老母仙人遽趣之歸及家已三載矣從此有仙家風味以醫術有功王家與之爵不受惟求王命于自家洋開築埧圳水利達自九溪灌注千頃鄉人德之爲之刻碑立廟故號仙翁歲時祭祀翁之子孫世居其鄉者皆與饗焉至今猶然續

封楊氏太乙真人廟懸太乙真人之扁又立像刻石在縣之金粟洞至嘉靖歲洞圯始爲宦家所沒翁之實多有可稽媿錨力未能也傳至有宋祖曰熊飛者因贅謝氏於元

符間偕子然自朴鄉出居于謝家庄是爲謝庄一世始祖

稽媿錨力未能也傳至有宋祖曰熊飛者因贅謝氏於元

符間偕子然自朴鄉出居于謝家庄是爲謝庄一世始祖
熊飛生然然生吾祖號二十評事及祖叔仲雲仲雲生大
明及大昕大明生伯壽及伯成伯成領鄉薦伯壽生巖起
載諸墓誌神扁以遷徙零落而亡焉二十評事生二十一
致政二十一致政生景陸字伯淳登宋開禧乙丑毛自知
榜進士官建寧府司法著有春秋漢唐通鑑史志解行世
具見泉誌墓晉邑四都高溪豆腐山買地契券得於謝庄
壁中是皆煨燼之餘者稽德馨公之誌知伯淳公之墓乃
祖家樸鄉侍郎呂公爲之誌也景陸生巖肖巖肖生冲冲
生公錫公錫生萬桂字德馨墓瑞魁山與從伯伯壽二壙

相連每歲冬至之日吾族合祭是也有子三曰澤曰俊曰
與澤俊守土謝庄分東西二房其東又有諱進者卽進保
爲晉邑葛州林氏贅婿因家居焉與於元初亦贅蓮塘謝
門俞姓是爲蓮塘之始考妣也與生銘卽銘保銘保生高
祖初涓初涓生曾祖進瑶進璫生祖祐祐生父璫璫生銓
銓嗣子維淮維淮生茂林且未艾也自仙翁至於熊飛有
十世自然至萬桂有八世自與至茂林有九世以九世而
知八世以八世可知十世矣楊氏仙翁太尉之後端不誣
也嗚呼崇韜拜郭令公之墓爲世所譏狄青却狄梁公之
像識者賢之夫無徵弗信則却者爲是拜者爲非吾其有
徵畧或自己謝庄葛州其世亦猶蓮塘也獨吾一支而終

像識者賢之夫無徵弗信則却者爲是拜者爲非吾其有
徵畧或自己謝庄葛州其世亦猶蓮塘也獨吾一支而終
言者以計世數耳謹按誌銘合吾族而譜之慚愧德菲力
薄固不能如范文正公多置義田相恤亦不敢效蘇老泉
公條陳六事相告徒以祖宗支派脈絡子孫尊卑攸序使
思吾祖者不委於空桑目吾族者毋同於路人斯焉足矣
并附神扁誌券于後用徵吾家世實錄

嘗

嘉靖二十九年庚戌秋

蓮塘十六世孫錨頓首拜書